



Yesu Kristo A Sa  
Shanduki Mulovha,  
Ñamusi Na Lini Na Lini

*nga*

Vhaf. William Branham



# MARANGAPHANDA

Bugu ino yo ñwaliwa u itela uri muñwe na muñwe ane a i vñhala a ñivhe-vho zwauri Yesu Kristo u kha ñi Tshidza na u Fhodza vhathu.

Ndi lutendo lwanga uri U ño bvelela hafhu hu si kale.

Bugu ino i amba nga ha ndila ye A nanga mutukana wa mushai huno a mu vhidzela mushumoni wawe, uri mutukana o Mu shavha hani lwa tshifhinganyana huno zwenezwo a rembulutshela Khae nga mbilu yothe.

# THABELO

Oo Khotsi a re Ṭađulu, ndi humbela uri u fhađutshedze muńwe na muńwe a no vhala bugu ino.

Ita uri vha zwi ḋivhe zwauri U khou yo vhidza Tshivhidzo tsha maanda hu si kale, tshine ri sa athu tshi vhona.

Ri kha ḋi U tenda.

Sika u ṭulutshelwa mbiluni ińwe na ińwe nahone, Oo Iwe wo Lugaho, farisa mulanda wau a ḋiṭukufhadzaho u ya phanda na mulaedza Wau.

Ndi a ḋivha uri Wo nnzumba ḫhangani, sa zwe Wa ita Mushe u na ndivho.

Ngauralo Khotsi, mpfarise u ḥea dzina ḥau vhugala, ngauri ndi zwi humbela dzinani ḥa Yesu.

Amene.

# Yesu Kristo A Sa Shanduki Mulovha, Namusi Na Lini Na Lini

Ndo bebelwa Kusini kwa Cumberland, Kentucky, zhazhani lituku lo itwaho nga mabulannga. Khotsi anga na mme anga vho malana vha tshee vhaswa huno nne ndo vha tanzhe. Mme anga vho mmbudza uri luthihi musi ndi tsini na u fara nwedzi wa vhurathi, huno khotsi anga vha siho hayani, ro vhuya ra welwa nga mahada dzithavhani lwa mađuvha o vhalaho. Ro vha ri si na zwiliwa nahone mme anga vho vha vha tshi khou fhelelwa nga nungo tshifhinga tshothe. Tsha u fhedza vha elekanya zwauri vhufhelo ho swika. Vha ri vho kuvhanganya zwiambaro zwashu zweothe na nguvho dza vhulalo huno vha ntakula vha ri pomba ngadzo uri ri kone u wana vhududo nga hune zwa konadzea.

Muvhali a funwaho, ndi tenda zwauri uho ho vha hu tshi do vha ho vha vhufhelo arali Mutshidzi washu wa lufuno a songo bvelela afho vhuponi nga itsho tshifhinga. Fhedzi U dzula e tsini nahone u bvelela nga tshifhinga tshi re tshone. O amba na muhura wa mbilu-khethwa a re wa mađuvha huno a mu vhudza uri a de a vhone uri ndi ngani ho vha hu sa bvi vhutsi kha tshumela ya hashu mađuvhani a si gathi o fhiraho. Musi a tshi swika a kwasha a dzhena ngomu zhazhani a wana nne na mme anga ri tsini na u sika. O mbo wana khuni huno a vhasa mulilo. Zwenezwo a humela zhazhani lawe u ri wanela zwiliwa. Hu si kale ro mbo di wana nungo na mutakalo hafhu. Rendani dzina Lawe nga hezwo.

Hu si kale nga murahu ha zwenezwo ro mbo pfuluwa shangoni la Kentucky huno ra ya Indiana. Khotsi anga vho ya u shuma ha rabulasi tsini na Utica, Indiana. Ro dzula henefho tshifhinga tshine tsha todou lingana nwaha huno zwenezwo ra tsela phasi ha govha la Ohio. Miňwaha i re na tshivhalo ya tanđulukana i tshi ya huno nne ndo vha ndo no vha mutukana o vhinaho musi Mudzimu a tshi amba na nne.

Nga mariwe madekwana ndo vha ndi nđilani yanga ya u ya u hwala mađi a u ya nđuni ndi tshi bva đuluni, le la vha li vhukule vhu no ćđou vha buloko nthihi ya dorobo u bva nđuni. U ćđou swika vhukati ha nnđu na đulu ho vha hu na muri wa mupopoliri wa kale. Ndo vha ndi tshi kha di bvou swika hayani ndi tshi bva tshikoloni madekwana ayo huno vhanwe vhatukana vha vhahura vho vha vha tshi khou ya nnđa u fasha khovhe ngei tivhani la kale. Ndo lilela u tuwa fhedzi baba vha ri ndi tea u ka madi. Ndo vha ndo no ima phasi ha muri uri ndi awele musi khathihi fhedzi ndi tshi pfa maya u tshi vhudzula mađari. Ndo zwi ćivha uri wo vha u sa khou vhudzula huňwe fhethu-vho. Ho vhonala hu masiari o dzikaho nga maanda. Nda sendela kule ha muri huno nda dzhieila nzhele uri fhethu hune ha ćđou lingana na mvuvhelo ho vhonala hu tshi vhudzulea vhukati ha mađari a muri. Ho mbo da ipfi li tshi ri: "U songo nwa, u songo daha, kana wa shata muvhili wau tshika nga nđila inwe na inwe, ngauri Ndi na mushumo une nda tama u tshi u ita musi u tshi aluwa."

Zwo nkhofhisa lwe, nda gidimela hayani fhedzi na kathihi a tho ngo vhudza muiwe nga hazwo. A tho ngo nwa kana nda daha na kathihi. Ndi tenda zwauri Mudzimu u khou yo ita mushumo muhulwane mađuvhani a u fhedzisela.

Musi ndo no aluwa lwo eđanaho u bva na vha murole muswa, vho vha vha tshi nndevhela huno vha ri ndi goswi nga nthani ha u sa daha kana u nwa. Vha ri na vhasidzana vho vha vha tshi nga daha na uri vho vha vhe na tshivhindi u fhira tshe nda vha ndi natsho. Ndo mbo pfa ndi na ćthoni dza u vha vhudza zwe zwa itea vhutshiloni hanga. Fhedzi, khonani dzi funwaho, zwa vhukuma ndi wana vhugala ndi tshi vhudza shango nga hazwo ńamusi. Haleļuya!

Ndi tshi ćđou vha na miňwaha ya fumiňa ndo huvhala nga maanda ndi tshi khou zwima. Ndo fhedza miňwedzi ya sumbe ndi vhuongeloni. Mudzimu o shumana na nne fhedzi a tho ngo thetshelesa. Mbidzo yo mbo di vha ya vhukumakuma kha nne. Fhedzi ngauri ndi songo alutshela muđani wa Tshikriste ndo lingedza u lwa nayo. Zwifhinga zwinzhi ndo pfa iļo ipfi lo dzikaho, liđuku li tshi mmbidza, fhedzi nda li thudzela kule. Ndo vha nga u ralo lwe ndi si kone u konđelela na u pfa-vho tshivhidzo tshi tshi bulwa.

Linwe ḋuvha nda dzhia phetho ya uri ndo wana ndila ya u fhambana na mbidzo iyo. Ndo vha ndi tshi khou ya vhukovhela u shuma bulasini. Khonani, Mudzimu ndi muhulwane hangei nn̄a u fana na zwine a vha zwone fhethu huiwe na huñwe. Ngavhe ni tshi wana mbuelo nga tshenzhemo yanga. Musi A tshi ni vhidzelela, Mu fhinduleni.

Nga mañwe matsheloni a la Khubvumedzi nga ñwaha wa 1927, ndo vhudza mme anga uri ndi khou bva lwendo lwa u gammiba ngei Tunnel Mill, hune ha vha maela dzi todaho u swika fumiña u bva Jeffersonville he ra vha ri tshi dzula hone nga itsho tshifhinga. Ndo vha ndo no dilugisela lwendo lwa u ya Arizona na dziñwe khonani. Musi mme anga vha tshi dovha vha pfa nga ha nne, ndo vha ndi si ngei Tunnel Mill fhedzi ndi Phoenix, Arizona, ndi tshi khou shavha Mudzimu wa Lufuno. Vhutshilo ha bulasini ho vha vhu havhudí nga maanda lwa tshifhinganyana, fhedzi ho mbo ṭavhanya ha vha ha kale, u fana na u diphina huiwe na huñwe ha shango. Fhedzi ngavhe hafha ndi tshi ri, Rendani Mudzimu, uri u tshenzhela na Yesu hu engedzea u difha na u difha tshifhinga tshothe huno a hu aluwi ha vha ha kale na kathihi. Yesu u ñea mulalo wo fhelelaho na khuthadzo tshifhinga tshothe.

Zwifhinga zwinzhi ndo no pfa maya u tshi vhudzula mirini milapfu ya mipaine. Ho vhonala hu tshi tou nga ndi nga pfa ipfi Ḷawe li tshi khou vhidzelela kule nn̄a ḋakani, li tshi ri, “Adam, u ngafhi?” Naledzi dzo vhonala dzi tsini nga maanda lwe na vha ni tshi nga dzi fula nga zwanda zwañu. Mudzimu o vhonala e tsini nga maanda.

Tshithihi tshe tsha vhonala tshi tsha ndeme nga maanda kha nñe nga ha lila shango ndi bada dzi re phangani. Arali na vhuya na bva nn̄a ha bada, ni xela nga ndila yo leluwaho. Ngauralo zwifhinga zwinzhi vhaendelamashango vha vhona maluvha mañku a phangani huno vha bva gondoni uri vha yo a ka. Vha tendeleka phangani huno vha xela nahone tshiñwe tshifhinga vha vhulawa nga ḋora. Zwo tou ralo na kha ndila ya Tshikriste—Mudzimu u na gondo. U amba nga haño kha Yesaya, ndima ya 35. Li vhidzwa “Gondo la Vhukhethwa.” Zwifhinga zwinzhi midifhonyana ya shango i a ni bvisa gondoni. Zwenezwo no xedza tshenzhemo yanu na Mudzimu. Musi no xela phangani, nga tshiñwe tshifhinga hu bvelela

madzivhañombe. Kha vhathu vhane vha khou vhulawa nga dora, madzivhañombe a do vha mulambo kana isha. Zwifhinga zwinzhi vhathu vha a zwi gidimela huno vha wela ngomu hazwo vha wana fhedzi zwauri vha khou sokou ḥamba muṭavhani u fhisaho. Nga tshiñwe tshifhinga Diabolo u ni sumbedza tshiñwe tshithu tshire a ri ndi tshifhinga tshavhudí. Itsho tshi tou vha madzivhañombe, ndi tshiñwe tshithu tshi si tsha vhukuma. Arali na thetshelesa ni do diwana ni tshi khou thopha maṭungu ntha ha thoho yaṇu. Ni songo mu thogomela, muvhali a funwaho. Tendani Yesu ane a nea madi a tshilaho avho vhane vha na nḍala na dora.

Liñwe ḫuvha ndo wana luñwalo lu bvaho hayani lu tshi mmbudza zwauri muñwe wa vharathu vhanga u khou lwala nga maanda.

Ho vha hu Edward, uyo a no tevhela nñe. A hu na zwiñwe ndo elekanya uri a zwi shavhisi, ngauralo nda tenda uri u do luga tshoṭhe. Fhedzi nga manwe madekwana nga murahu ha mađuvha a si gathi musi ndo vha ndi tshi bva doroboni ndi tshi fhira holoni yo tshikafhadzwaho bulasini nda vhona bambiri n̄ha ha ḥafula. Nda li dzhia. Lo vhalea ngaurali, “Bill, iđani ngeno nn̄da pfuloni ya devhula. Ndi zwa ndeme nga maanda.” Nga murahu ha musi ndo no vhala luñwalo nñe na khonani ra bva ra ya pfuloni. Muthu wa u thoma we nda ḥangana nae o vha e renzha ya kale ya Lone Star ye ya vha i tshi shuma bulasini. Dzina lawe lo vha li Durfy, fhedzi ro vha ri tshi mu vhidza “Pop.” Khofheni o vha o ḥungufhala a tshi khou amba a tshi ri, “Mutukana Billie, ndi na mafhungo a si avhudí na inwi.” Nga itsho tshifhinga foromane a da a tshi khou tshimbila. Vha mmbudza uri ñwaluñingo lu kha di bva u swika lu tshi amba nga ha lufu lwa murathu wanga.

Khonani i funwaho, lwa tshifhinganyana a tho ngo kona u sudzuluwa. Lwo vha lu lufu lwa u thoma muṭani wa hashu. Fhedzi ndi ḥodou amba zwauri tshithu tsha u thoma tshe nda tshi elekanya tsho vha tsha arali o vha o ḥilugisela u fa. Musi ndi tshi rembuluwa nda sedza lutandala lwa lutopani, miṭodzi ya elela maramani anga. Nga nḍila ye nda elelwa nḍila ye ra kakarika roṭhe zwiла ri tshi kha di vha vhatukana vhaṭuku na uri zwe ri konđela hani.

Ro ya tshikoloni ri si na zwīliwa zwo ēanaho. Zwikunwane zwo vha zwo bvela nn̄da ha zwienda zwashu huno ra tea u ambara madzhasi a kale o pereṭedzwa kha mutsinga ngauri ro vha ri si na hemmbe dze ra vha ro ambara. Nga ndila ye nahone nda elelwa līiwe duvha le Mme anga vha vha na mathuthuba baketeni lītuku uri a vhe tshiswītu lo tshashu. Ro vha ri sa li na vhaīwe vhana. Ro vha ri sa koni u swikelela zwīliwa zwi fanaho na zwe vha vha vhe nazwo. Tshifhinga tshōthe ro vha ri tshi pfuka muvhundu huno ra la. Ndi elelwa zwauri duvha le ra vha na mathuthuba ro elekanya uri wo vha u mūlo vhukuma. Ngauralo uri ndi vhe na ngoho ya uri ndo wana mukovhe wanga khao ndo bvela nn̄da hu sa athu vha masiari, nda a nyima nga tshanda murathu a sa athu wana mukovhe wawe.

Zwenezwo ndo ima henehala ndo sedza fhethu huhulwane ha hatsi ho swaho nga duvha nda elekanya nga ha zwīla zwithu zwēthe huno nda mangala uri Mudzimu o mu isa fhethu ha khwine. Zwenezwo Mudzimu a dovha a mmbidza, fhedzi sa misi ndo lingedza u lwa nazwo.

Ndo mbo di dilugisela u da hayani mbulungoni. Musi Vhaf. McKinny vha Tshivhidzo tsha Port Fulton, munna a ngaho khotsi kha n̄ne, a tshi rera mbulungoni yawe o bula fhungo la uri “Hu nga kha di vha hu na vhaīwe fhano vha sa dīvihi Mudzimu, arali zwo ralo, mu lavheeleni zwino.”

Oo nga ndila ye nda kwambatela vhudzulo hanga, Mudzimu o vha a tshi khou shuma hafhu. Muvhali a funwaho, musi a tshi vhidza, mu fhinduleni.

A thi nga hangwi na kathihi ndila ye Khotsi anga vho aluwaho vha shayaho na Mme anga vha lila nga murahu ha mbulungo. Ndo ḥodou humela murahu ngei Vhukovhela fhedzi mme anga vha nduvheledza nga maanda uri ndi dzule lwe nda fhedza ndo tenda u dzula arali ndo vha ndi tshi do wana mushumo. Ndo ḥavhanya u wana mushumo kha Khamphani ya Tshumelo ya Vhatu ya ngei Indiana, he nda tholwa zwino.

Nga murahu ha musi miñwaha mivhili i tshi vho yo fhela musi ndi tshi khou ita ndingo dza mielo vhengeleni la mielo kha vha Mishumo Ya Xasi ngei New Albany ndo mbo hambelwa nga xasi huno nda fhedza dzivhege ndi tshi khou tambudzwa ngayo. Ndo ya ha madokotela ōthe e nda

vha ndi tshi a ɖivha. A tho ngo kona u wana ndamulelo. Ndo tambudzwa nga esidi thumbuni, yo vhangwaho nga masiandaitwa a xasi. Tshifhinga tshoṭhe zwa hulela. Nda dzhiwa nda iswa kha vhagudeleli ngei Louisville, Ky. Mafhedziselonni vho ri ho vha hu lulaṭuňwa lwanga nahone vha ri ndi tea u itwa muaro. A tho ngo zwi tenda, ngauri a thi athu pfa vhuṭungu kha lurumbu lwanga. Madokotela vho ri a hu na tshiňwe tshe vha vha vha tshi nga kha di nnyitela u swika ndo no itwa muaro. Mafhedziselonni ndo mbo tenda uri u nga itwa fhedzi nda ombedzela uri vha shumise vhudzidzivhadzi ha heneffo u itela uri ndi kone u vhona muaro.

Oo, ndo ḥoda uri hu vhe na muiwe tsini hanga a ɖivhaho Mudzimu. Ndo tenda kha thabelo fhedzi a tho ngo kona u rabela. Ngauralo mushumeli a bvaho kha Tshivhidzo tsha Baphuthisi tsha U Thoma a ya na nne lufherani lwa muaro.

Musi vha tshi mmbvisa ḥafulani vha tshi nnyisa vhulaloni hanga nda pfa ndi tshi fhela maanda nda fhela maanda tshifhinga tshoṭhe. Mbilu yanga yo vha i tshi nga a i tsha divhitha. Nda pfa Lufu lu kha nne. Mufemo wanga wo vha u tshi vho pfufhifhala tshifhinga tshoṭhe. Nda zwi ɖivha uri ndo swika magumoni a ndila yanga. Oo khonani lindelani u swika ni tshi swika heneffo luthihi ndi hone ni tshi do elekanya nga ha zwithu zwinzhi zwe na ita. Ndo zwi ɖivha zwauri a thi athu daha na kathihi, nda nwa kana nda vha na dziňwe ndowelo mmbi fhedzi ndo zwi ɖivha uri ndo vha ndi sa athu ɖimisela u ḥangana na Mudzimu wanga.

Khonani yanga, arali ni tshi tou vha fhedzi murađo wa tshivhidzo zwatsho tshi rotholaho ni do zwi ɖivha musi ni tshi swika vhufheloni uri a no ngo ɖilugisa. Ngauralo arali zwi zwenezwo fhedzi zwine na ɖivha nga ha Mudzimu wanga, ndi khou ni humbela heneħħha uri ni gwadame nga magona aňu huno ni humbele Yesu uri a ni ɻee iyo tshenzhemo ya u Bebwa hafhu, vhunga ye A i vhudza Nikodema kha Yohane, ndima ya 3, huno oo nga ndila ine tsimbi dza dakalo dza do lila—Rendani Dzina Lawe.

Swiswi ḥo mbo thoma u engedzea lufherani lwa vhuongelo ha tou nga ndi maṭakani mahulu. Ndo kona u pfa muya u tshi

vhudzula kha maṭari, naho zwo ralo ho vha hu tshi tou nga ndi kule-kule ḫakani. Hu na khonadzeo ya uri ni nga vha no no pfa maya u tshi vhudzula maṭari, u tshi ḫa tsini na tsini haṇu.

Nda elekanya, “Zwo ralo, holu ndi lufu lu ḫaho u nnzhia.” Oo! Muya wanga wo vha u tshi khou yo ṭangana na Mudzimu, nda lingedza u rabela fhedzi nda si kone.

Muya wa ḫa tsini, phosho ya engedzea na u engedzea. Maṭari a ita phosho huno khathihi fhedzi nda vha ndo ḫuwa.

Zwo mbo vhonala unga ndo vhuva hafhu nñe mutukanyana a si na zwienda, o ima luḍilani luḍa fhasi ḫa wonoula muri. Nda pfa ḫenelila ipfi ḫe ḫa ri, “U songo nwa kana wa daha na kathihi.” Huno maṭari e nda a pfa o vha e mathihi na aḷa e a vhudzula kha uḍa muri ḫilā ḫuvha.

Fhedzi nga hetshi tshifhinga ipfi ḫa ri, “Ndo u vhidza huno wa si fune u ya.” ḫa dovha lwa 3.

Zwenezwo nda ri, “Murena, arali uyo hu iwe, ntendele ndi humele murahu ḫifhasini huno ndi ḫo rera Mafhungo-mađifha au ndi kha ṭhangā dza nn̄du na khudani dza zwit̄arata. Ndi ḫo a vhudza muñwe na muñwe!”

Musi ili bono ḫo no fhira, nda zwi wana zwauri na kathihi a tho ngo pfa vhukhwine. Nanga yanga yo vha i tshee ngomu ha tshifhaṭo. Yo ḫa ya nn̄davhelesa huno ya mangala. Yo sedza sa yo elekanyaho uri ndi ḫo fa, zwenezwo ya ri, “A thi muthu a no ya tshivhidzoni, mushumo wanga ndi muhulwane nga maanda, fhedzi ndi a zwi divha zwauri Mudzimu o dalela uyu mutukana.” Uri ndi ngani o amba hezwo, a thi divhi. A hu na we a amba tshithu nga hazwo. Arali ndo vha ndo divha nga itsho tshifhinga zwine nda divha zwino, ndo vha ndi tshi ḫo vha ndo vuwa vhulaloni uvho ndi tshi ṭavha mukosi wa Thendo kha Dzina Lawe.

Nga murahu ha mađuvha a si gathi nda tendelwa u humela hayani fhedzi ndo vha ndi tshi kha ḫi lwala nahone nda kombetshedzwa u ambara ngilasi kha maṭo anga nga ḫwambo wa mbonetatsini. Thoho yanga yo vha i tshi dzinginyea musi ndi tshi sedza tshiñwe tshithu-vho lwa tshifhinganyana.

Ndo mbo thoma u ḫoda na u wana Mudzimu. Nda bva kha tshivhidzo nda ya kha tshivhidzo ndi tshi khou lingedza u

wana fhethu he ha vha hu na mbidzo ya alitari ya tshikalekale. Tshi tungufhadzaho ndi tsha uri a tho ngo kona u wana na nthihi zwayo. Nda ri arali ndo vha ndi Mukriste, ndo vha ndi tshi do vha ene zwa vhukuma. Mushumeli we a mpfa ndi tshi amba a ri, “Zwino mutukana Billy, u khou thoma u dzhenwa nga Vhusweleli ho kalulaho.” Nda ri arali ndo vhuya nda wana vhurereli ndo ḥoda u vhu pfa musi vhu tshi da vhunga sa vhafunziwa vho ita.

Oo rendani dzina Lawe. Ndo do wana vhurereli ngavhuya huno ndi kha di vha naho, nahone nga thuso Yawe ndi do vhu vhulunga nga misi.

Vhunwe vhusiku ndo farwa nga ndala nga maanda ya Mudzimu na tshenzhemo ya vhukuma lwe nda bva nda ya ngomu ha shede ya kale murahu ha nn̄du huno nda lingedza u rabela. Ndo vha ndi sa divhi uri hu rabelwa hani ngauralo nda sokou thoma u amba Nae vhunga ndi tshi nga amba na muñwe muthu-vho. Khathihi fhedzi ho mbo da tshedza ngomu ha shede huno tsha vhumba tshifhambano n̄ahone ipfi li bvaho kha tshifhambano la amba na nne nga luambo lwe nda si kone u lu pfesesa. Zwenezwo la mbo ngalangala. Nda oma nga nyofho. Musi ndi tshi dzivhuluwa, nda dovha nda rabela, “Murena arali uyo hu iwe, ndi humbelu uri u de u ambe na nne hafhu.” Ndo vha ndi tshi khou vhala Bivhili yanga tshee nda vhuya hayani u bva vhuongeloni nahone ndo vhala Yohane 4, “Vhafunwa ni songo tenda mimuya yothe-yothe, fhedzi i lingululeni arali i ya u bva Mudzimuni.”

Ndo zwi divha uri muya wo bvelela kha nne, nahone ndo ri ndi tshi rabela wa dovha wa bvelela. Zwenezwo zwa vhonala kha nne u tou nga ho ḥuswa muhwalo wa tshireme tsha bonndo dza tshigidi muyani wanga. Nda mbo fhufhela n̄tha nda gidimela n̄duni huno ha vhonala hu tshi nga ndi khou gidima n̄tha ha muya.

Mme anga vha mmbudzisa, “Bill, ho bvelelani kha inwi?” Nda fhindula, “A thi divhi fhedzi ndi khou pfa ndi wavhuđi nahone ndi sa lemeli.” A tho ngo kona u ḥwa ndo dzula n̄duni. Nda tea u bva nda gidima.

Ndo mbo di zwi divha zwauri arali Mudzimu o ḥoda uri ndi rere o vha a tshi do mphodza, ngauralo nda ya kha tshivhidzo

tshe tsha tenda kha u ḫolisa ole huno nda mbo ḫi fhola na zwenezwo. Nda mbo zwi vhona zwauri vhafunziwa vho vha vhe na tshithu tshine vhunzhi ha vhashumeli vha si vhe natsho ḥamusi. Vhafunziwa vho vha vho lovhedzwa nga Muya Mukhethwa huno ngauralo vho kona u fhodza vhalwadze nahone vha ita mađembe a maanda dzinani ḥawé. Ngauralo nda thoma u rabelā ndi tshi ḫoda ndovhedzo ya Muya Mukhethwa huno nda i wana.

Liñwe ḫuvha nga murahu ha musi miñwedzi ya rathi i tsini na u fhela, Mudzimu a nñea tshililo tsha mbilu yanga. A amba na nñe e kha tshedza tshihulu a tshi mmbudza uri ndi ye u rera na u rabelela vhalwadze huno U ḫo vha fhodza hu sa londwi uri vha na malwadze-de. Nda thoma u rera na u ita zwe A mmbudza uri ndi zwi ite. Oo khonani, ndi nga si kone u thoma u ni vhudza zwe zwa bvelela: Mađo o pofulaho o bonyolowa. Vhaholefhali vha tshimbila, pfuko dzo fhodzwa nahone mađembe a tshaka dzotha a itwa.

Liñwe ḫuvha mathomoni a Tshiṭaraṭa tsha Spring, Jeffersonville, Indiana, nga murahu ha mvuseledzo ya vhege mbili, ndo vha ndi tshi khou lovhedza vhatu vha linganaho 130. ḫo vha li ḫuvha li fhisaho la ḥhangule huno ho vha hu na vhatu vha no ḫodou swika zwigidi zwiraru. Ndo vha ndi tshi khou ḫodou lovhedza muthu wa vhu<sup>17</sup> musi khathihi fhedzi ndi tshi dovha nda pfa ilo ipfi lo dzikaho, liñku huno la ri, “Sedza nñha.” Lutombo lwo vha lu tshi nga musinaseñha nga ilo ḫuvha li fhisaho la ḥhangule. Ro shaya mvula zwa vhuya zwa ḫodou ita vhege tharu. Nda dovha nda pfa ipfi, huno zwenezwo la dovha lwa vhuraru la ri, “Sedza nñha.”

Nda sedza nñha huno ha da ḫaledzi khulu i penyaho i tshi bva lutomboni ye nda vha ndo no di i vhona lunzhi fhedzi ye nda sa ni vhudze nga hayo. Zwifhinga zwinzhi ndo vhudza vhatu nga ha u bvelela hayo huno vha sokou disetshela nahone vha ri, “Bill, hezwo ni khou tou zwi humbulela fhedzi. Kana khamusi no vha ni tshi khou lora.” Fhedzi rendani Mudzimu, tshifhingani tshino Ene muñe O ḫidzumbulula kha vhothe, ngauri yo tou da tsini na nñe lwe nda si kone na u amba. Nga murahu ha musi ho no fhela sekondi dzi si gathi, nda ḫavha mukosi huno vhatu vhanzhi vha sedza nñha huno vha vhona ḫaledzi nga nñha hanga. Vhañwe vho dzidzivhala musi vhañwe

vha tshi Ქavha mukosi nahone vhaīwe vha tshi shavha. Naledzi ya mbo humela murahu ngei lutomboni, huno fhethu he ya Ქuwa i hone ho vha hu tshikwea tshi no Ქodou ita fithi dza fumīhanu, huno afha fhethu ha sokou sala Ქu tshi sudzuluwa nahone hu tshi mona kana ha tou nga magabelo o vha a tshi khou kunguluwa. Heneffho fhethu ho mbo vhumblea kukole kutshena, huno Ქaledzi ya mbo Ქanganedza ngomu ha uku kukole.

Muvhali a funwaho, arali ndo vha ndi na tshikhala fhedzi kha ino bugu u ni vhudza nga ha zwithu zwinzhi zwa zwa bvelela, nga ha uri thaberenakele yashu yo fhaṭwa hani, na mvuseledzo nnzhi dza maanđa dze ra vha nadzo. Vhathu vho Ქa vha tshi bva kule na tsini uri vha fhodzwe. Fhedzi ndi khou yo ita uri bugu ino i vhe Ქukhu lwo eđanaho uri i sa Ქure huno i kone u swikelelwa nga vhoṭhe. Hezwi zwithu ndi zwa u ni Ქivhadza zwauri Yesu Kristo u kha Ქi vha a sa shanduki sa zwa A vha e zwone mulovha na Ქamusi nahone u Ქo ralo lini na lini, na zwauri ni tea u mu tenda na tshidzwa. Arali ni tshi kona, tshifhinga tshiñwe na tshiñwe-vho tshine mvuseledzo dzashu dza vha tsini hañu, ni humbelwa uri ni dzi dalele.

# VHUTANZI

Zwino kha masiaṭari a tevhelaho ni wana vhutanzi ha Vhathu vha si gathi vhe vha fhola kha miñwe miṭangano yashu.

---

Nne ndo vha ndi vhuongeloni ngei New Albany, Ind. musi ndi tshi pfa nga ha Muk. Branham. Ndo ḍo tshaiswa nga goloi. Zwavhuḍivhuḍi mbavu dzanga dzothe dzo vha dzo vundekana. Muṭodo wanga wo vha wo piḍea. Ndo vha ndi tsumbo i si na fulufhelo, kha zwa dzilafho ḥa mishonga.

Muk. Branham o nthabelela, huno nga u ṭavhanyedza mbavu dzanga dza vhuyeleta vhuzuloni hadzo, na muṭodo wanga-vho. Dokotela ho ngo kona u zwi pfesesa. Nda vuwa, nda ambara zwiambaro zwanga, nda ya hayani, nahone nda yo shuma.

Rendani Mudzimu malugana na Maanda Awe a Phodzo.

William H. Merrill, 1034 Clark St., New Albany, Ind.

---

Nne ndo fhedza miñwaha minzhi ndi muholefhali. Ndo vha ndi tshi ṭwa ndo lala tshiniwe tshifhinga. Milenzhe yanga yo vha yo kongonyala lwe nda vha ndi sa koni u tshimbila. Dokotela o ri ndi nga si ḍo tshimbila na kathihi. Nda pfa nga ha Khal. Branham na nga ndila ye Mudzimu a vha a tshi khou fhindula thabelo dzawe. Ngauralo nda mu vhidza. Ene na muñwe muthannga a no pfi, DeArk, vho da vha nthabelela. Nga u ṭavhanyedza milenzhe yanga ya fhola. Nda kona u tshimbila. Ndi kha ḥi tshimbila. Ho no fhela miñwaha 4 tshe zwa bvelela.

Ndi renda Mudzimu malugana na Maanda awe a Mangadzaho.

Vho-Mme Mary Der Ohanion, 2223 E. Oak St., New Albany, Ind.

---

Kha a re na Vhudifhinduleli,

Ndo holefhala lwa tshifhinga tshilapfunyana. Milenzhe yanga yo vha yo vundekana huno na kathihi ndo vha ndi si

nga dovhi nda kona u tshimbila. Ndi u ya nga tshitatamennde tsha Dok. Murwa wanga a nkungulusesa muṭanganoni wa Khal. Bill, ndi kha tshidulo tshanga tsha malinga. Vhusiku uvho ndo vhona munna we a fhedza miñwaha ya 18 a sa tshimbili a tshi vho tshimbila. Nahone nda vhona munna a tshi dovha a vhona huno a tshimbila vhukati ha tshivhidzo a si na iñwe pfariso. O vha e bofu lwa miñwaha ya 40 na vhañwe vhanzhi, vhaholefhalu na tshakha dzothe dza malwadze e a fhodzwa vhusiku uvho. Ngauralo musi hu tshi da tshifhinga tshanga tsha u rabelelwa, ndo vha ndi na lutendo lwa u tenda kha Yesu, zwauri ha shanduki mulovha, ḥamusi, na lini na lini. Khal. Bill a nthabelela, a mpfara nga tshanda huno a ri, "Dzinani la Yesu — tshimbila."

Ndo pfa maanđa a Mudzimu a tshi da kha nne. Milenzhe yanga ye ya vha yo oma phanđa hanga yo mbo di ya fhasi huno nda mbo thoma u tshimbila, nahone nda renda Mudzimu, nda tutshela tshidulo tshanga tsha malinga tsha kale huno nda tshimbila nda fhira buloko dza dorobo dzi re na tshivhalo.

Vho-Mme T. Hargrove, 149 Spring St., Jeffersonville, Indiana

---

Nne ndo naledzwa uri ndi fe nga pfuko miñwahani mivhili yo fhiraho. Ndo ñivha Muk. Bill lwa miñwaha. Ndo mu ñivha sa muthu o lugaho huno ndo no vhuya nda dalela vhunzhi ha miñtangano yawe. Mudzimu o vha a tshi mu fhañutshedza nahone a tshi shuma mađembe manzhi, manzhi nga ene. Nda mbo mu vhidza uri a nthabelele. Pfuko yanga ya ngalangala.

Ndi kha di vha ndo takala, ndi tshi renda na u livhuwa Mudzimu.

Vho-Mme L. Stinner, Missouri Ave., Jeffersonville, Indiana

---

Nne ndo naledzwa nga dokotela washu wa muṭani, ho sala awara dzi si gathi fhedzi dza u tshila. Ndo vha ndo no fhedza miñwaha i no ṭodou swika 3 ndi tshi lwala pfuko.

Munna a no pfi Wiseheart a mmbudza nga ha Khal. Bill. Vho reila kha mahađa na muxwatu lwa maela dza 35 uri vha nngwane. Vha tshi sala vha tshi swika afho, khonani

dzanga dzi re na tshivhalo na mashaka anga vho vha vho no kuvhangana u da u mmbona lwa u fhedzisela. Vhananyana vhanga vho vha vho no nthengela zwiambaro zwa tshalomi uri vha mmbetshele kule ngazwo. Ndo vha ndi tsini na u dzidzivhala musi Khal. Bill a tshi swika heneffo. A humbela vha sa tendi vhothe uri vha bve lufherani. A mbo gwadama huno a nthabelela. Nda pfa maanda a Mudzimu kha nne musi a tshi vhea tshanda tshawe kha tshanga, huno khathihi fhedzi nda pfa pfuko yanga yo tuwa.

Ndo mbo takuwa nga milenzhe ndi tshi renda Mudzimu malugana na maanda awe. Hezwo two itea miñwahani 4 yo fhiraho huno u bva tsheetsho a tho ngo tsha dovha nda farwa nga pfuko.

Rendani Mudzimu kha Vhuthu Hawe.

Vho-Mme Sarah Hoyse, Middletown, Ind.

---

Nne ndo bebwa ndi muholefhali. Ndo vha ndi sa koni u tshimbila na kathihi kana u shumisa zwanda zwanga na mikonwo. Nda pfa nga ha he Muk. Bill a vha o fara muñtangano u mangadzaho wa phodzo. Nda ya huno nda vhona zwimangadzo zwinzhi zwi tshi itwa nga lutendo dzinani la Yesu na nga u vhea zwanda.

Muk. Bill a nthabelela, a mbo livhanya mañø na nne huno a ri, "Dzinani la Yesu, tshimbilani." Nda pfa maanda a Mudzimu a tshi da muvhilini wanga. Nda thetshelesa, huno nda thoma u tshimbila lwa u tou thoma vhutshiloni hanga. Ndo vha ndi na miñwahaya ya 35.

Mudzimu mañuvhani aya a u fhedzisela u khou ita zwithu zwi mangadzaho.

Rendani dzina Lawe lini na lini.

---

Musidzanyana washu, Betty, o vha a tshi khou lwala miñwedzi miraru. Ro vha ri na madokotela mavhili a ñivhaleaho a doroboni iyo, fhedzi zwi tou nga, a vho ngo kona u wana tshivhangi. Nahone ro vha na vhashumeli vhavhuđi vha ñoroboni na mavhalani uri vha mu rabelele. Vhulwadze ha

ŋana vhu tshi ya. Ro mbo rumela ngei Jeffersonville, Ind., kha munna a no pfi Vhaf. Wm. Branham, ane a vha na tshifhiwa tsha phodzo ya Muya. Muk. Bill, sa zwine a vhidzwa zwone, a ṭavhanya u da kha riṇe. Nga murahu ha awara nnzhi dza u rabela, a dzhena huno a ri vhudza uri Murena o mu sumbedza nga bono uri Betty washu muṭuku u tea u itelwa mini. O vha e lukanda fhedzi na marambo nahone a tshi dzinginyea tshifhingga tshoṭhe a tshi tou nga o oma mirađo. Muk. Bill o ri humbelu uri ri tende Mudzimu nahone ri thetshelese zwe A ri zwi tea u itwa. Nga murahu ha musi o no rabela nahone o no vhidzelela dzina la Yesu khae, musidzanyana washu a fhola nga u ṭavhanya. Ho no fhela miñwedzi i no ḥodou lingana 10 two itea. Betty washu muṭuku zwino u na mutakalo wo fhelelaho nahone o khwaṭha u ya nga hune a vha ngaho. Ndi do takalela u ḥwalela muñwe na muñwe ane a vhudzisa nga ha phodzo yawe, kana nga ha iñwe ya phodzo dzo iteaho tshifhingani tsha mvuseledzo ye Muk. Branham a i fara fhano St. Louis nga 1945.

Phodzo ye ya vha hone Mvuseledzoni ya St. Louis i wanala buguni i no pfi “Bono la Ṭadulu,” nga Muk. Branham. Ivhani na ngoho ya uri ni a i vhala.

Vhaf. Robert Daugherty, 2009 Gano Ave. St. Louis, Mo.

---

#### KHA A RE NA VHUDIFHINDULELI:

Nne ndo vha ndi vhulaloni ndo edela nga muṭana lwa minwaha ya 8 na miñwedzi ya 9 ndi na TB huno madokotela ndi musi o no nnditshedza. Tshileme tshanga tsho vha tshi sa swiki bonndo dza 50 huno fulufhelo lo vha li tshi vhonala lo ḥafha tshoṭhe. Ho mbo da Vhaf. Wm. Branham vha no bva Jeffersonville, Ind., hune vhukule ha hone ha toda u vha maela dza 35 u bva hayani ha hashu, vho diswa nga bono le vha li vhone la ngwana i tshi fashwa sogani nahone i tshi lila i tshi ri “Milltown.” (Afho ndi hune nda dzula.) Muk. Branham ha athu da ngeno na kathihi kana a dihwa nga muñwe a bvaho ngeno. O ri u dzhena, a mmbea zwanda nahone a rabela, a tshi vhidzelela dzina la Murena Yesu washu a funwaho. Tshinwe tshithu tsha tou nga tshi a mpfara huno khathihi fhedzi nda vuwa nahone ndi tshi

livhuwa Mudzimu malugana na maanda Awe a u fhodza. Nda bvela nn̄da lwa u tou thoma kha miñwaha ya 8, nda mbo lovhedzwa mulamboni, dzinani la Yesu Kristo. Zwa zwino ndi mutambi wa piano fhano tshihidzoni tsha Baphuthisi. Hu na zwinzhi malugana na phodzo iyi khulwane. A thi na tshikhala kha uvhu vhūtanzi u ñwala zweþe. Ndi ðo ñwala nga dakalofulu nda ðivhadza nga vhudalo muñwe na muñwe ane a takalela u fhodzwa hanga.

Georgia Carter, Milltown, Indiana.

---

#### KHA A RE NA VHUDIFHINDULELI:

Nñe ndo itwa muaro nahone nda vha na fomo ya pfuko i bvaho kha muaro. Ndo ita zweþe zwe nda ðivha u zwi ita uri ndi dovhe ndi wane mutakalo, fhedzi nda kundelwa. Mufumakadzi wanga na ene o vha a tshi khou lwala huno ra pfa nga ha Vhaf. Branham na nga ndila ye Mudzimu a vha a tshi khou shuma ngavho kha u fhodza vhalwadze. Liñwe ðuvha nga Swondaha nga masiari kha miñwedzi i ðodaho u swika ya rathi yo fhiraho, ra ya hayani havho, huno ri tshi swika ra wana vhañwe heneffo vho ðela tshipikwa tshenetsho tshithihi, nahone vha tshi fhola. Ro mbo amba na Muk. Branham ra mu vhudzisa arali ri tshi nga itelwa tshinwe tshithu-vho. Ra mu vhudza uri ri Vhakaþolika fhedzi a ri phodzo ya Muya i swikela vhothe vha no ðo tenda. A ri vhudza nga ha mufumakadzi wa Kåþolika we a bonyoloswa maþo sa izwi o humbela Mudzimu uri a mu thuse, huno zwino u kona u vhala maþedere maþuku. O vha o pofula lwe a vha a tshi dededzwa a tshi iswa nduni yawe. Zwenezwo mufumakadzi wanga na nñe ro mbo rabelelwa huno vhuvhili hashu ra fhola. Pfuko yanga ya ngalangala! Zwino ro takala nga maanda nahone ri na mutakalo nahone matsheloni mañwe na mañwe ndi a vuwa vhulaloni nda rabela awara 3 ndi tshi rabelela Muk. Branham na mushumo wawe wa Mudzimu. Ndi na bindu la muðagasi fhano ðoroboni huno nga matsheloni a Swondaha iñwe na iñwe ri ya tshilaleloni tsha u ranga huno ra kona u þavhanyedza u wela buroho ra ya Thaberenakeñeni ya Branham. Nahone ri ya tshumeloni dza vhusiku na muþanganoni wa thabelo vhusiku ha

Lavhuraru. Ri khou diphina nahone zwi tou nga ri khou tshila kha shango liswa. Ndi do takalela u fhindula luñwalo luñwe na luniwe-vho nga dakalofulu lune lwa ḥoda mafhungo a kwamaho phodzo yanga.

Louis H. Head, 417 Garnet Court, Louisville, Ky.

---

Nne ndi ḥoda u nea-vho vhuñanzi hanga ha phodzo ya Muya uri Mudzimu a wane vhugala. Ndo fhedza miñwaha ine ya ḥodou lingana miraru ndi tshi thuphea nga u tswukuluwa ha lukanda, he ha vha hu tshi phađalala muvhilini nahone vhu tshi hulela, u swikela nga murahu ha zwanda zwanga na miradoni ya nthia ya milenzhe yanga hu tshi vha tshivhevhe tsho khwañhaho. Yo vha yo zwimba nga maanda nahone i tshi vhavha nga maanda. Nga la 11 la Lambamai, 1945, Muk. Branham a nn̄dolisa nahone a mmbea zwanda a nthabelela, fhedzi vhudzuloni ha u vha khwine, vhulwadze ha tou hulela, huno sa izwo ndo vha ndi tshi shumisa tshiđolo kha zwanda na milenzhe yanga, nda elekanya zwauri hezwo zwi nga vha zwi zwone two itisaho uri ndi si fhole. Ngauralo nda mbo dzhia phetho ya u litsha u shumisa mishonga yothe huno nda kumedzela thaidzo yanga kha Murena lwa tshothe. Nga la 10 la nwedzi wa Fulwi, Muk. Branham na Muk. Seward vha dovha vha nthabelela huno Murena a mphodza, Rendani dzina Lawe likhethwa! Muk. Branham o vhuya a nn̄dolisa luthihi a tshi itela u fhelelwa hanga nga nungo kha khando dza milenzhe. Milenzhe yanga yo vha i tshi vhavha lwe nda wana i tshengelo u tshimbila. Fhedzi u bva tshee nda doliswa, milenzhe yanga yo do vha na nungo, huno ñamusi ndi kona u tshimbila tshikhala tshilapfu milenzhe i sa dzindeli nga maanda u fhira tshikwea tshithihi fhedzi phanđa ha nn̄dodzo. Huno ndi tama u engedza nga la uri iyi a si tshenzhemo yanga ya u thoma nga ha phodzo ya Muya. Kha miñwaha ya fumbilinthihi yo fhiraho, ndo ya muñanganoni we wa vha wo farwa nga Vhaf. C. H. Erickson ngei Columbus, Ind. Vhaiwe vho fhodzwa malwadze o fhambanaho huno sa izwo ndo vha ndi tshi tambudzwa nga tsumbo yo vhifhaho ya lumiladi nga ndila yo vhifhaho tshifhinga tshilapfu nahone ho mela tshingalangala kha iṭo langa la u la tshe tsha vha tsho mpofudza zwiñuku (nahone tshi tshi do vha tsho mpofudza nga itsho tshifhinga,) nñe, na nñe-vho, nda humbela Murena uri a nñee mutakalo huno A ita.

A tho ngo tsha dovha nda dinwa nga vhuñiwe ha malwadze ayo. Ndo ḥanganedza phaṭhutshedzo heyi ndo didzulela vhudzuloni hanga, sa izwo ndo vha ndi songo humbelā thabelo dza Vhaf. Erickson. Ndo ḥanzielela phodzo huno nda pfa nahone nda vhala vhuñanzi ha vhañiwe. Musi miñwaha mivhili i tshi ṭodou fhela ndo fhira nga huiwe haya tsini na Prospect, Ky. Lushie luñuku, lu lwalaho lwo vha lwo eđela vhulaloni dzharañani huno mme alwo vha mmbudza uri lwo vha lwo no fhedza miñwedzi miña nahone lwo lwala vhutshiloni vhupfufhi halwo hothe. Lwo vha lwo sekena nga maanda nahone lwo vha lu sa koni u la zwiliwa lu sa lili nga u pfa vhuñungu. Swondaha i tevhelaho nda vhudza Muk. Branham nga ha uyo ñwana. Ene na tshivhidzo vha rabelela uyo ñwana, huno nga murahu ha vhege dzi si gathi nda dovha nda fhira nga haya iļi huno nda vhudzisa nga ha ulwo lushie. Lwo vha lu tshi khou wana mutakalo nahone tshirele tshi tshi khou engedzea. Nda dzhena ngomu u lu vhona, huno lwo vha lu tshi khou la zwiliwa nahone lu tshi khou ḫiphina ngazwo. Ho ñwaliwa zwauri Khotsi ashu wa ḥaqulu o ɻea murwa Wawe Yesu Kristo, maanda othe ḥaqulu na kha l̄ifhasi, na uri o Mu ɻea dzina li fhiraho madzina othe, huno Petro o amba uri ho vha hu nga dzina Lawe, nga lutendo nga dzina Lawe, zwe munna wa muholefhalı a fhodzwa e Khoroni ya Thembele. Ndi nga dzina lenelo lithihi la vhugala hune izwi zwithu zwi mangadzaho zwa itwa ñamusi. Huno musi ri tshi fhodzwa nga thabelo ya lutendo, heyi a si yone phaṭhutshedzo i yothe ine ra i ḥanganedza, fhedzi i na vhuñanzi ha zwivhi zwe hangwelwaho. Yak. 5:15.

Livhuwani Mudzimu ngauri kha shango heli lo dinaleaho namusi, ri na vhanna vha no nga Muk. Branham, Erickson, John Sproul na vhañiwe vhe Muya wa vha nea tshifihiwa tsha phodzo ya Muya. Yesu Kristo ha shanduki mulovha, ñamusi na lini na lini. Huno U tou vha a konaho na a funaho u ri fhodza u nga zwiļa A tshi rera Mafhungo-mađifha a Muvhuso nahone a fhodza vhatthu miñwahani ya gidi-đaṭahe yo fhiraho. Ndo vhona Joan Gray, lushie luñuku lwe lwa vha lu tshi lwala, nga la 26 la Thangule. Zwino o no fhedza miñwedzi ya 27 huno o takala lwa u takala.

Wavho kha Kristo Yesu,

G.W. Jones, 705 E. Maple St., Jeffersonville, Ind.

Khonani dzi funwaho, hu na vhaiwe vhe vha fhodzwa huno vha tama u ɻea vhułanzi havho sa ɻhanzi dza maanda a Mudzimu fhedzi a ri na tshikhala tshazwo zwa zwino buguni heyi ɻukhu. Hovhu vhułanzi ho ɻewaho ndi ha u ɻułuwedza inwi u tenda Yesu Kristo na u mu ɻivha sa Mutshidzi na Mufhodzi wańu.

Vhanzhi vhane vha vhala Bivhili, vha ri, “Nkhavhe ndo tshila tshifhingani tsha Bivhili, ndo vha ndi tshi ḋo ya kha Yesu huno O vha a tshi ḋo nthusa.” Khonani, U fhamo ɻamusi u ni thusa, u tou fana na zwiła zwe A vha e zwone liła ḋuvha. Tendani fhedzi Muya Mukhethwa, ndi Ene ɻhanzi ya Yesu. Ndi a ni humbela, henefho hune na vha hone, Mu tendeni, huno ni ḋo fhola.

# THERO

Liñwalwa ḥashu li wanala kha Yesaya, 53:5.

“Ene o rungelwa tshivhi, o pwashekanyelwa vhutshinyi hashu. Thamu ya uri riñe ri vhone mulalo yo vha Khae huno ro fhodzwa nga ntho Dzawe.”

Zwino khonani, Bivhili i ri, “Nga ntho Dzawe ro fhodzwa.” Huno ri do zwi ḥanganedza zwauri ri kha di vha na khangwelo ya zwivhi zwashu nga u shululwa ha malofha Awe, hu sa londwi uri ro itani. Mulandu? Ngauri zwe vha zwi kha tshipfumelo, inwi ni ralo. Naa ntho Dzawe dza Phodzo dzo vha dzi si kha tshipfumelo na dzone-vho? Zwenezwo arali tshipfumelo tsha phodzo tsho no fhela maanda atsho, hone-ha ni zwivhini zwañu; ngauri, tshipfumelo tsha zwivhi zwañu tsho itwa nga Malofha eneo mathihi a bvaho kha munna onoyo muthihi heneffo fhethu huthihi, nga tshifhinga tshenetsho tshithihi, nga ḫuvha ḥeneño lithihi.

Zwenezwo ni do tea u amba zwauri zwi a shumisana kana tshiñwe tshazwo a tshi shumi.

Hai, khonani, ni tenda Yesu malugana na phodzo yanu u fana na musi ni tshi ralo malugana na zwivhi zwañu, huno tshipfumelo tshi do vha na mveledzwa i no fana. Tshi do ni shumela nga ndila dzothe, musi ni tshi tenda uri tsho itelwa inwi ḫamusi vhunga kha vhalā liña ḫuvha.

Zwi fana na musi ni tshi tsela mulamboni uri ni kone u pfuka nga gungwa ḥa u ratha, ni vhone vhañwe vha tshi pfuka, mulandu ndi mini ni sa pfuki? A ni yi kha kaputeni wa ilo gungwa na mu vhudzisa uri gungwa li do dzhia lwendo kana hai. Ni tou ita mbadelo yanu, na namela na dzula phasi. Zwino zwe sala kha mutshimbidzagungwa u ni pfukisa mulambo.

Ndi yeneyo ngona nthihi na kha Phodzo ya Muya, ni vhone vhañwe vha tshi wana mutakalo huno na inwi ni nga

fhodzwa-vho. Iyani fhedzi kha Yesu. Mbadelo kha heli sia ndi lutendo, zwenezwo zwo sala kha Yesu u ni itela tshine na lila.

Oo, mukomana na khaladzi, Mu tendeni, na inwi-vho ni nga fhola. Tshifhinga tsha Mađembe a tsho ngo fhira kha avho vha tendaho uri a tsho ngo fhira.

Ndi tshini tshithu tsha u thoma tshine na ita musi ni tshi dilugisela mushashadzo? Ni wana alimanaka ya vshakegulu na vhona arali duvha ilo alimanaka i tshi ri i do vha i tshi na kana li do vha lo tsha zwavhuđi. Ni do mbo di takala arali i tshi ri li do tsha zwavhuđi. Zwenezwo ni do ri, “Ri do puļana mushashadzo wa ilo duvha.” Ni do renga tshiswiđulo tshańu tshothe na dilugisela u bva ngauri alimanaka i ri “li do tsha zwavhuđi.”

Oo, mukomana na khaladzi, ni tenda nga maanda kha alimanaka, ndi ngani ni sa tendi kha Ipfi la Mudzimu? Elelwani Mudzimu tshifhinga tshothe o di vha na vhaiwe vhe vha tenda, ndi ngani ni sa vhi muňwe wavho zwino? Vhalani Marko 16 ni vhone zwauri ndaela ya u fhedzisela ye ya ḥewa tshivhidzo yo vha ya u fhodza vhalwadze. O ri “Huno izwi zwiga zwi do tevhela vhane vha tenda.”

Arali tshivhidzo tshańu tshi tshi ri vha a tenda huno zwiga zwi sa tevhele, zwenezwo u ya nga Ipfi la Mudzimu a vha tendi.

Humbelani muňwe ḥamusi uri a ni ḥee tshiga tshavhuđi tsha mutendi huno ni do wana vha tshi sumba muňwe o imaho zwavhuđi. Muňwe ane a bvisa mutendelo wavhuđi. Oo khonani yanga, vhaiwe vhavho a vha divhī zwo engedzeaho nga ha Mudzimu u fhira Muhotentoti a tshi divhā nga ha mulwi wa Muigipita, huno vhaiwe vhavho ndi zwikola vhukuma zwa manwalo zwi bvaho-vho kha dzisemina. Fhedzi inwi a ni tei u vha tshikola uri ni divhē Mudzimu. Fhedzi ni tea u ita zwinzhi u fhira zwine vhunzhi havho vha ita, ni tea u tenda huno arali na ralo zwiga zwi re kha Marko 16:17-18 zwi do ni tevhela sa zwe Yesu a amba uri zwi do ralo.

Elelwani zwauri kha Marko 16 li ri rerani Mafhungo-mađifha kha tshivhumbwa tshinwe na tshinwe.

Inwi ni nga di ri, "Muk. Branham, Mafhungo-madifha ndi mini, uri ri kone u ḋivha arali ri nao kana ri si na. Naa ndi Ipfi?"

Paulo o amba zwauri Mafhungo-madifha a da kha riñe hu si nga ipfi fhedzi a dovha a da nga Maanda na nga Tsumbedzo ya Muya Mukhethwa. Zwenezwo a ni nga ḍo tea u vha na Maanda a Muya Mukhethwa u sumbedza izwo zwiga zwa Marko 16 naa?

Iyani na nne kha Timotheo ya 2, Ndima ya 3 huno ni vhone nga ndila ine Muya Mukhethwa wa amba uri mađuvhani a u fhedzisela vhathe vha ḍo vha na tshifanyiso tsha u nga vha ofha Mudzimu ngeno maanda aho vha tshi ḍo a landula, huno vhathe vho raloho Bivhili i ri sendelani kule havho.

Naa itsho a si tshiga tsha uri ri khou tshila maduvhani a u fhedzisela? Vhathe vha landula maanda a u fhodža na a u vhofholola zwivhini tshoṭhe.

Zwivhidzo zwi khou thoma u rothola lune tshikalamufhiso tsha kala furathi fhasi ha pumu. A ni koni u vha na gundo na dovha na edzisela Phodzo ya Muya ni kha zwimima zwa magaraṭa na dzisigareṭe. Vhanwe vhathe vha ya tshividzonni nga matsheloni a Swondaha vha na sigara khulu mulomoni wavho, vha tshi tou nga gunuñunu ya mbowana i no wanala Texas. Ipfi li ri vhudza uri ri ḫiṭanzwe kha tshika dzoṭhe. Oo mukomania, khaukanani na zwithu zwaṇu zwa shango ni shumele Mudzimu. Ndi hone a tshi ḍo ni tendela u tshimbila kha gondo Ławe la Vhukhethwa sa zwe Yesaya Ndima ya 35 ya amba.

Arali muñiwe o vha a tshi nga ni ḫisela tshirumali tsha \$70,000.00 no vha ni tshi ḍo thoma u takala. Arali ndo vha ndi tshi nga ni vhudzisa uri mulandu no vha no takala nga maanda, no vha ni tshi ḍo fhindula na ri no vha ni na \$70,000.00. Arali ndo zwi timatima no vha ni tshi ḍo nnea tshirumali. Arali ndo vha ndi tshi ḍo ri tsho vha tshi tshipida tsha bammbiri fhedzi li re na muñwalo no vha ni tshi ḍo fhindula nga u ṭavhanya na ri phanda ha musi tshirumali tshi tshi ḥwaliwa zwe ḍo tea uri \$70,000.00 i depositwe Muvhusoni wa U.S. na uri ngauralo ndi hone muvhuso u tshi ḍo ni tikedza.

Divhani-ha zwauri Yakobo 5:14 i ri thabelo ya lutendo i do tshidza mulwadze. Inwi ni nga kha di ri ilo lo vha li tshi tou vha bammbiri zwa lo fhedzi lo nwalwaho. Fhedzi mukomana, Tađulu lo the li tikedza Bivhili.

Musi ni tshi vhala Ipfi Lawe elelwani uri pfulufhedziso yo newa inwi. Zwenezwo thomani u takala nahone ni tshi tenda huno U do ni fhodza.

Ndi Mudzimu a sa shanduki namusi na lini na lini. Amene.

Voice Of God Recordings, South Africa Office

58 Disa Road, Admiral's Park, Gordon's Bay 7140 Western Cape

Republic Of South Africa

TSHIVENDA

©2015 VGR, ALL RIGHTS RESERVED

VOICE OF GOD RECORDINGS  
P.O. Box 950, Jeffersonville, Indiana 47131 U.S.A.

[www.branham.org](http://www.branham.org)

## Nđivhadzo ya nzivhanyedziso

Pfanelo dzothe dzo londolwa. Heyi bugu i nga di gandiswa nga tshigandisi tsha hayani u itela u shumiswa nga muthu ene muñe kana uri i andadziwe, hu si na mbadelo, sa tshishumiswa tsha u phaðaladza Mafhungo-maðifha a Yesu Kristo. Heyi bugu i nga si kone u rengisiwa, u bveledzwa hafhu nga maändesa, ya poselwa kha website, ya vhulungiwa kha sisteme ya u wana mafhungo, ya ɻalutshedzelwa kha dziñwe nyambo, kana ya shumiswa kha u ɻuðuwedza u humbela tshelede hu si na thendelo yo ñwaliwaho zwi khagala nga Voice Of God Recordings®.

U itela u ñivha zwinzhi kana u itela zwiñwe zwishumiswa zwi wanalah, kha vha kwame:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)